

Meeqqat pillugit Siunnersuisoqatigiinnut ilaasortassat inassutigineqarneri toqqarneqarnerilu pillugit Namminersorlutik Oqartussat nalunaarutaat nr. 11, 30 juli 2012-imeersoq

Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni nr. 11, 22. november 2011-meersumi § 6, imm. 4 malillugu aalajangersarneqarpoq:

Kapitali 1

Meeqqat pillugit Siunnersuisoqatigiinnut piukkunneqartunik inassuteqarneq

§ 1. Kattuffiit peqatigiiffiillu il.il. meeqqat atugarisaannik suliaqartut Meeqqat pillugit Siunnersuisoqatigiinnut piukkutaminnik inassuteqarsinnaapput.

Imm. 2. Kattuffiit peqatigiiffiillu il.il. meeqqat atugarisaannik suliaqartutut paasineqassapput kattuffiit peqatigiiffiillu pisortanut ilaanngitsut, tassa imaappoq kattuffiit peqatigiiffiillu il.il. pisortat sunniuteqarfingngisaat. Kattuffiit peqatigiiffiillu il.il. siammasissumik paasineqassapput. Aaqqissuussaasumik ataatsimoorfik ataatsimoorfik soqutigisaqarnerup siuarsarnissaanik siunertaqartoq ilaasortallu soqutigisaminnik sammisaqarnissaannik periarfissiisoq tunngaviatigut pineqarpoq. Peqatigiiffik kattuffilluunniit il.il. meeqqat atugarisaannik suliaqassaaq.

§ 2. Pisortatigut oqartussat meeqqanullu paaqqinnittarfiit pisortanit namminersortunillu pigineqartut Meeqqat pillugit Siunnersuisoqatigiinnut piukkutaminnik inassuteqarsinnaapput.

Imm. 2. Pisortatigut oqartussatut paasineqassapput pisortani immikkoortutut ingerlatsiviit Namminersorlutik Oqartussat kommunillu sinaakkusiussaasa iluini inatsisinik tunngaveqarlutik ingerlataqartut. Assersuutigalugu naalackersuisoqarfiit, aqutsisoqarfiit ingerlatsiviillu pisortatigut oqartussaasuupput. Eqqartuussiviit, Inatsisartut naalagaaffiillu Kalaallit Nunaanni ingerlatsivittut oqartussaasui avataaniipput.

Imm. 3. Paaqqinnittarfiit pisortanit namminersortunillu pigineqartutut paasineqassapput atuarfiit, meeqqanut inuusuttunullu ulloq unnuarlu paaqqinnittarfiit, ulluunerani paaqqinnittarfiit, fritidshjemmit, meeqqat ornittagaat il.il.

§ 3. Pisortatut oqartussaasut, paaqqinnittarfiit pisortanit namminersortunillu pigineqartut aamma kattuffiit peqatigiiffiillu inassutigineqarsinnaatitaasut allattorsimaffiannik Naalackersuisut tamanut saqqummiissapput. Allattorsimaffik allaffissornikkut oqartussaasumut allamut naammagittaalliutigineqarsinnaanngilaq.

Imm.2. Allattorsimaffik, naleqq. imm. 1 Meeqqat pillugit Siunnersuisoqatigiinnut ilaasortanik

toqqaasooqartinnagu tamanut saqqummiunneqassaaq naleqq. Inatsisartut inatsisaat Meeqqat Illersuisuat aamma Meeqqat pillugit Siunnersuisooqatigiit pillugit.

§ 4. Oqartussaasooq, paaqqinnittarfik, kattuffik peqatigiiffilluunniit il.il. inassuteqarsinnaatitaasooq Meeqqat pillugit Siunnersuisooqatigiinnut piukkutaminik inassuteqarnissamik kissaateqarsimappat inassuteqarsinnaatitaasooq sapinngisamik ikinnerpaamik angummik arnamilluunniit ataatsimik inassuteqassaaq.

Imm. 2. Inassuteqarsinnaatitaasup kina inassutigissanerlugu nammineq kiffaanngissuseqarpoq. Piukkunneqartut inassutigineqartoq 18-nik ukioqalereersimassaaq.

Imm. 3. Inassuteqarsinnaatitaasup inassuteqaataani inassutigineqarlutik piukkunneqartut sutigut ilisimasaqarluarlutillu suliatigut qanoq piginnaasaqarnersut takuneqarsinnaassaaq. Taaneqartut inassuteqarnermi takuneqarsinnaanngippata inassutigineqartut piukkunneqartoq ilaasortanngorsinnaanngilaq.

§ 5. Meeqqat pillugit Siunnersuisooqatigiinnut piukkunneqartut inassutigineqartut Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisooqarfimmu nassiunneqassapput.

Imm. 2. Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisooqarfik piukkunneqartut inassutigineqartunut piffissaliussamik tamanut nalunaaruteqassaaq

Kapitali 2

Meeqqat pillugit Siunnersuisooqatigiinnut ilaasortanik toqqaaneq

§ 6. Meeqqat pillugit Siunnersuisooqatigiinni ilaasortat nunatsinni piffinniit assigiinngitsuneersuussapput.

Kapitali 3

Atuutilersitsineq

§ 7. Nalunaarut manna atuutilissaaq ulloq 1. august 2012.

Namminersorlutik Oqartussat, ulloq 30 juli 2012.

Maliina Abelsen

/

Lise Lennert Olsen